

ԳԻՏԱԿԱՆ ՀԵՏԱԳՈՏՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ
/ընդհանուր նկարագիր/

Գիտական հետազոտությունների ազգային կենտրոնը (ԳՀԱԿ) գիտական եւ տեխնոլոգիական բնույթի հետազոտական գործունեություն իրականացնող կառույց է, որը գտնվում է Ֆրանսիայի բարձրագույն կրթության եւ հետազոտությունների նախարարության հովանու ներքո: Կենտրոնի գործունեությունն ուղղված է գիտական արդյունքի ստեղծմանը եւ կիրառմանը:

Հիմնվելով ավելի քան 1200 գիտական կազմակերպությունների եւ ծառայությունների վրա, ունենալով 32 000 աշխատակցից ավելի /11600 գիտնականներ, 14 400 ինժեներներատեխնիկական եւ վարչական աշխատողներ/՝ կենտրոնն իր գործունեությունը ծավալում է գիտության բոլոր ոլորտներում:

Կենտրոնի 2008 թվականի բյուջեն կազմել է 3,277 մլրդ եվրո, որից միայն 588 մլն առաջացել է բուն հետազոտություններից:

Ակնառու գիտնականներից շատերն իրենց կյանքի այս կամ այն փուլում աշխատել են ԳՀԱԿ-ի լաբորատորիաներում: Կենտրոնի գերազանց գործունեության մասին է վկայում Նոբելյան մրցանակի 16 դափնեկրի եւ 9 Ֆիլդսի մեդալակրի առկայությունը:

Լինելով Ֆրանսիայի բազմաբնույթ հետազոտություններ իրականացնող հիմնական գիտական կառույցներից՝ ԳՀԱԿ համալիր հետազոտություններ է իրականացնում գիտական, տեխնոլոգիական եւ սոցիալական բնագավառներում:

Ներկայումս Գիտական հետազոտությունների ազգային կենտրոնն ունի ինն ինստիտուտ, որոնցից 2-ը՝ հանրապետական նշանակության:

Դրանք են.

[Քիմիայի ինստիտուտ \(INC\)](#)

[Էկոլոգիայի եւ շրջակա միջավայրի ինստիտուտ \(INEE\)](#)

[Ֆիզիկայի ինստիտուտ \(INP\)](#)

[Միջուկային ֆիզիկայի եւ տարրական մասնիկների ֆիզիկայի ազգային ինստիտուտ \(IN2P3\)](#)

[Կենսաբանական գիտությունների ինստիտուտ \(INSB\)](#)

[Մարդու եւ սոցիալական գիտությունների ինստիտուտ \(INSHS\)](#)

[Մաթեմատիկական եւ հարակից գիտությունների ինստիտուտ \(INSMI\)](#)

[Տեղեկատվական եւ ինժեներական գիտությունների տեխնոլոգիաների ինստիտուտ \(INSTI\)](#)

[Տիեզերքի մասին գիտությունների ազգային ինստիտուտ \(INSU\):](#)

ԳՀԱԿ մեծ ուշադրություն է դարձնում գիտության տարբեր բնագավառի մասնագետների, գիտական կազմակերպությունների միջեւ համագործակցությանը, ինչը հնարավորություն է տալիս բացաայտել ուսումնասիրության նոր ոլորտներ, բավարարել սնտեսության եւ հասարակության կարիքները:

Յուրաքանչյուր տարի շուրջ 5000 օտարերկրյա գիտնական է հյուրընկալվում ԳՀԱԿ լաբորատորիաներում, իսկ թվով 1714 օտարերկրացի գիտնական կենտրոնի աշխատակիցներ են: ԳՀԱԿ ունի 60 երկրի հետ համագործակցության 85 համաձայնագիր, գիտական համագործակցության 310 միջազգային ծրագիր, համագործակցում է եվրոպական եւ միջազգային 91 կազմակերպությունների, 92 գիտահետազոտական միավորումների եւ լաբորատորիաների հետ, ներկայացուցչություններ ունի Բրյուսելում, Յոհանեսբուրգում, Մոսկվայում, Պեկինում, Չիլիում, Տոկիոյում, Վաշինգտոնում եւ այլուր: